



CEC Meeting Vawi Khatna Neih a ni

Branch News

Chanmari West, 27th October, 2013 : October ni 15-17, 2013-a 68th YMA General Conference, Khawbung-a neih zawh taka kum 2013-2015 chhung atana Central YMA Office Bearer tura thlan tharte chuan October ni 21 atang khan mawhphurhna la tanin, hemi ni veka OBmeeting chuan an thawhpui tur Executive Committee (CEC) mi 20 an ruat thar.

October ni 21 khan Central YMA OB tanglai leh kumin General Conference-a hruaitu thlan tharte chuan mawhphurhna an inhlan a, heng hruaitu tharte hian kum 2015 thleng mawhphurhna an la dawn a ni. OB thlan tharte chuan CEC member mi 20 an ruat nghal a, chung mite chu:

- 1 T Sangkunga Dinthar
- 2 RL Rindika Bungkawn
- 3 R Lalnggheta Hlimen
- 4 JH Zoremthanga Vaivakawn
- 5 J Chamliana Republic VT
- 6 Lalmangaiha Chanmari
- 7 R Thanga Zonuum
- 8 H Lalsangzuala Ramhlun VT
- 9 VL Chhuanga Venghlui
- 10 R Lallungawia Ramthar
- 11 Lalrinmawia Sohnel Bethlehem
- 12 Laldawngliana Kulikawn
- 13 B Rothangliana Zuangtui
- 14 Z Dengthansanga Armed Veng
- 15 Lalrammuana Dawrpui
- 16 Laldawngliana TC Kanan
- 17 F Engkunga Bethlehem VT
- 18 H Duhkima Dam Veng
- 19 K Lalthanmawia Electric Veng
- 20 Lalminghlua Zemabawk N

2, c) in a sawi angin kum khat chhung atan Central YMA hnuaiia Sub-Committee hrang hrang Chairman leh Secretary an ruat a, anni hian an thawhpui tur Committee member an ruat ve leh ang. Central YMA hnuaiia Sub-committee peng hrang hrangte chu:

- 1) Kumpulan Sub-Committee
- 2) Land & Building Sub-Committee
- 3) Cutural Sub-Committee
- 4) Disaster Management Sub-Comt
- 5) Documentation & IT Sub-Comt
- 6) Education Sub-Committee
- 7) Finance Sub-Committee
- 8) Health & Sanitation Sub-Comt
- 9) Legal Sub-Committee
- 10) Literature Sub-Committee
- 11) Press Sub-Committee
- 12) Project Sub-Committee
- 13) Property Sub-Committee
- 14) Recreation Sub-Committee
- 15) Resources Sub-Committee
- 16) Science & Environment Sub-Com
- 17) Sports Sub-Committee
- 18) Training & Youth Affairs Sub-Com

Central YMA Chanchinbu Editor atan Pu H Lalruatljanam ramhlun North chu ruat a ni a, IGNOU Co-ordinator atan Pu Lalrinawma, Thakthing veng chu ruat a ni bawk.

Ni 24.10.2013 (Ninga) khan CEC meeting vawi khana neih a ni a, CEC meeting chuan YMA Dan Bu (VI-32,

□ Ni 24.10.2013 (Ninga) zing khan Local Council leh Branch OB ten MHIP Buiding Extension dan tur MHIP ten enpui tura an sawm angin thlirho a ni.

□ Ni 24.10.2013 (Ninga) zan khan MPF Local Forum hmalakna in Political Party hrang hrang leh NGO hruaitute inkawm hona Presbyterian Kohhran Hall-a neihah Branch OB te tel a ni.

□ Ni 29.10.2013 (Thawhleh)zan hian Branch Executive Meeting koh tum a ni.

□ Branch Vice President Pu K.Darthantluanga chu Central YMA in Sub-Committee a siam hrang hrang zinga Legal Sub-Committee Chairman atan ruat a ni a, CEC member a ni nghal ang.

□ Branch Fin.Secretary Pu Lalrinliana, a nupui mit entir a Guwahati-a zin chu dam taka a lo haw leh thuai an duh.

□ Ni 26.10.2013 (Inrinni) zing khan Hunthar veng nena inrina Chhawnzinga tuihkhua bula Welcome signboard tar chhia chu Local Council leh Branch OB ten phun that hnatlanga neih a ni a, Local Council nen Meeting neiin Local Council buatsaih Pu H.Vanlalvena inah tukthuan an kil ho.

AWM THAR

□ Pi Lalduhawmi te chhung member 5, Nursery Veng atangin Pu Thangkhuma in N-Sect. Sairang Road-ah

□ Tv Jessy Biaknunmawia te unau, Thenhlum atangin Pu Zaithanmawia in N-Sect. ah.



TUNKAR CHANGVAWN

Ka hming avangin mitinin an hua ang che u. Nimahsela, in samzai pakhat pawh a boral lo vang. Chhel takin ding tlat ula; tichuan, in him ang.

Luka 21:17-19

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkuma	9862303135
	Lalchuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :		
	RL Thanhmuna	9436152760

Branch Office Bearer

President	C Lalarliana	9436142049
Vice President	K Darthantluanga	9436196071
Secretary	Zairemmawia	9862385654
Asst. Secretary	RL Thanhmuna	9436152760
Treasurer	R. Lalhmachhuana	9436151817
Fin.Secretary	Lalrinliana	9862581814
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

.Kan Chanchinbu phekhma lam hi sawi zui deuh mai teh ang. Tunlai thiamna sangzel Technology hmanga kan inbiak pawhna Facebook-lama thu ziate hi thu tlingah kan ngai em? tih chu ka hre chiah lo. CEC member inruat thar chungchang chuan sawi zui a hlauh viau.

Aizawl khawpui chhung mai ni lo, Mizoram pum huap ang pawn YMA Branch lian leh ropui, thawm na ber pawl hmuhin kan inhmu a, kan inhmu lian ve viau, mahse hei hi mi dang leh veng dang mite min hmuh dan a lo ni ve chiah lo a niang. Mizoram pum huap anga hruaitu (CEC) inruat chungchangah min hmuh kan leh tlat zel mai.

Branch lian leh ropui (nia inhria) atanga CEC member kan nei hlei thei lo hi chu kan inbihchian deuh chu a ngai lo maw? He hruaitu dinhmun hi thil chakawm tak leh hnemhnawm tak chu a ni miah lo, mawhpurhna rit leh hautak zet mai chu a ni ngei mai. Mahse, veng tan chuan rualawh chu a na khawp mai.

Hruaitu kan neihna pawlah reng reng chuan tu pawh kan ngampain kan tlangnel zel. CEC hian engchenin nge min hmuh, tih hi ngaihtuah ang u. Kan dikna ngeiah vawi 2/3 min lo namnul tawh a, min zuam tawh tawh a ni thei mai ang em? Dikna au chhuahpui leh a tul huna lungawi loh ngamte hian thil tha zawk a pawchhuak ve thei tho. Dikna hmuna din ngheh tlat hi huaisenna zia pawh a ni zawk long maw? Engpawhnise, Branch chungang tal hi chuan i YMA hle zel phawt ang u.

Article**A SAWI THIAM NGEI E**

- Masangtea

A hmel en mai pawh khan a fel hmel ngawih ngawih a, a hmalam atanga a fel hmel ang bawkin min kalpelh ruala a sir lam atanga thlir pheikha chuan sual thlen phak loh atanga lo kal ni awm tak a ni. A hnunglam atang erawh chuan vanram pan tur ang hlauh a ni. Ka en a, ka en nawn leh a, ka thlir zui a, ka ennin hmian a kal liam ta. Ngaihtuahna ava ti thui tehreng em! A siamtu ropuizia te, siamtu themthiamzia te, a thilsiam dang ropui tak tak te leh khatiang thil mawi siamtu khan thildang ropui tak tak pawh hi a lo va han siam hnem em! Heng zawng zawng ngaihtuah chung hian ning lo tak chungin ka thlir liam mai chu a ngai ta tho sia.

Pathian khan khawvel leh a chhunga awm zawng zawngte, nungcha leh van thengrengte a siam zawh hnuah thilsiam zinga chungnungber turin Mipa a han siam a, la duhtawk mai lovin a puitu tur hmeichhia a han siam leh kherte hi ava han themthiamthlak tak em! Mahse, a thilsiam mihringte'n an han phatsan meuh kha chuan zahngai thei Pathian pawh a rilru a na hle a ni ang, a tuithlar ta hmak mai si a, mihringte chan chu thawhrim tawpa thihna mai a ni ta. Mahse, Chanchintha Johana zia (Hre ve awm ang zia zang hian) a kan hmuh ang khan a fapa mal neih chhun hmangin Kalvari-ah remna sa-ui a rawn tan ta a. Chumi a zara chhandam kan nih lah chu kum zabi 18 lai velah sap missionary hmanga hrih hriat kan la ni ta chauh a. Chumi kalzel chuan thilpek hrang hrang min pein, hmasawna kawng hrangah khawvel eng min hmuhtir ve a, kan beisei phak bak aia chakin khawvel intlansiakna huangah min zuan luhtir ve ta reng mai si chu a nih hi!

Chutiang thilpek zingah chuan Pathian zia pu chhuak thei tur ngeia YMA a lo ding ta hi a ni. Chhuanchhamte khaichhuak thin hnem hian tanpui ngai tanpuitu pawl kan han nei te hi a va mawi em! Chu mai a la ni nem, damlo leh lusun chungte tan chuan innghahna tlak leh hnemtu tling a ni. "Nang malsawmna ni ang che" tih thute hi sawi mai lovin a takin YMA-atang hian a lo parchhuak thin a, a sur a sa hnuaia, hah pawh sawi lo

leh hreh hmel pawh pu miah lova thlan laitu te hmelah chuan Kalvari tlanga midangte tana nun petu Isua Krista hmel kha a lang thin a lo ni.

Lumen zan leh Khawhar Ina nula aw ngaihnopei zetin zai chawi tak maia khawhar hla a han hrih dep dep te chu eiru tam tak pulpit tlang chang ho thusawi ai chuan a mawi zawk fo in thlarau nun a chawm zawk hial long maw?

Khawvar thleng rawk mai, chau ve tak chung si a, hnual hmel leh ning hmel pu miah lova Lusun chungte hnem tura Fakna hla sa hram hram thinte aw hian Berampute fakna aw kha a pawl phak chiah lo pawn a hnaih viau ang.

Thisen pek ngai an awm a, thisen pe tura tlangval rual pungkawm thinte chuan kan tana Nazareth tlangval thisen chhuak kha min hriatchhuahtir fo zu nia. Thisen vanga Chhandam, ropuina ram luahtu tur kan nihna hi heng thisen petute nun hian a pho lang fo mai. Mi dang tana Malsawmna nih hi YMA hian a tum ber leh a thupui a ni tih chu mi inpete nunah hian hmuh tur a lo awm reng mai. Heng zawng zawng hi YMA vang a lo ni si.

Engati nge kei tehlul hian heti ang ngaihtuahna ropui tak tak hi ka lo put tak le? Engvang nge YMA tana thahnem lo tak si hian heti ang thu khal tak tak ka han sawi tak mai le? A chhan chu YMA hi a lo ropui a, a Kristian a, a vanram hawh nungchang em a ni. Tin YMA nula dik tak ka hmuh, ka en a, ka en nawn leh a, ka thlirzui tak reng vang kha a ni baww awm a sin.

Khuangchero Section

- ☐ Hun remchang hmasa berah meeting neih an tum.
- ☐ Ni 26.10.2013 (Inrinni) khan Kuang duan hnatlang an nei.
- ☐ Chhياتni Fund khawn nawn leh mek a ni a, la pe remchang lote pawn a rang lama hruaitute hnena pe turin an ngen.
- ☐ Section huam chhunga exam nei mekte'n hlawhtlinna an chan ngei an duhsak.
- ☐ YMA General Conference, Khawbunga neih zawh takah an hruaitu Pu Zonunsanga, Tv Israela, NI Lalchhandami te leh member 10 lai an kal thei a, an lawm hle.

Neuva Section

- ☐ Ni 26.10.2013 (Inrinni) zan inkhawmban khan Committee an nei.
- ☐ Sumtuakna atan a duan / siam 'Kawngpui Ningkhawng' lehkhahu chu zawh fel a ni tawh a. Sumtuak hnatlang neih vat tur anih avangin memberte tan la thar sauh turin an in ngen.
- ☐ Ni 25.10.2013 (Zirtawp) khan J.JOHANA Motors Servicing atangin Excise Department in Sap Zu an man a, Section huam chhungah Zu leh ruihtheihthil reng reng Sawrkar lam emaw NGO ten an man leh anih chuan Neuva Section huamchung a sumdawna neih leh awmhmun khuar reng reng a rem tawh lovang tih an in hriattir.
- ☐ An member Pu K.Manthanga damlo New Life Hospital a awm mek pawh a dam that leh thuai an duhsak hle.
- ☐ Vengchhung a lo thianghlim zawk theihna atan sawrkar dan phal loh, Ruihtheihthil zuar hria chuan hruaitute hnena hriattir thin turin an in ngen.
- ☐ An Secretary Pu EVL Hruaitluanga'n fapa duhawm tak a nei thar chu an lawmpui hle.
- ☐ Vengchhunga chhiattawh an awmin hruaitute leh member-te tan la sauh sauh turin an in chah.

Taitesena Section

- ☐ Ni 21.10.2013(Thawhtan)zan khan committee an thu a, thu pawimawh tak tak an rel.
- ☐ Section No hmanlai chu a that tawh loh avangin a thar lei tum a hmalak mek a ni.
- ☐ NO thar lei nan Pi Kungpui'n a pasal Pu B.L Zuia hriatrengnan

leh Pu Hmingthanauva'n an nau Lalrosiami hriatreng nanpawisa thahnem tak an pek avangin lawmthu an sawi tak meuh a ni.

- ☐ House Number leh Name Plate nei lo ten Secy te hnena hriattir tur a ni a, a man chu hetiang hi a ni
 - a) House Number = ₹ 30
 - b) Name Plate = ₹ 100
- ☐ Chhياتni Fund khawn mek a ni a, chhungtin te ngai pawimawh turin an inngen. Tin, a khawn fel tawh ten a rang lama Section Asst.Leader hnena thehluh tur a ni.
- ☐ CWFC te an kal zelna turah duhsakna an hlan.

Vanapa Section

- ☐ Section committee-in a lo rel tawh angin Vanapa section YMA Picnic chu November ni 14, 2013 (Ninga) ah neih tur a ni a, Section chhunga YMA member kal duh turte chuan Secretary leh Asst. Secretary hnena hming leh ₹ 50 pek tur a ni. Hming pe an tlem chuan Picnic hi thulh a ni ang.
- ☐ Pi Rosiami leh Pu C. Thanchungnunga In inkara zana tlangval hawklak thu thinte chu thu tawh lo turin an hriattir a, thu lui leh an awm chuan na taka hmalak an tum.
- ☐ Pi Thanpui W/o C. Lalnunmawia Joint Director atanga Joint Secretary Finance a a kaisang chu an chhuang hle.
- ☐ Ni 26.10.2013 (Inrinni) khan nilengin hruaitute'n kuang duan hnatlang an nei.
- ☐ NI C Lalbiakzuali d/o C. Lalsangzuala chu North East Fashion Fusion, Dimapur-a Solo competition ah a tling a, an lawmpui hle, a kal leh zel na turah duhsakna an hlan. October Ni 28 zana LPS leh Zonet-ah an zai hi a chhuah beisei a ni.

CWFC SUPPORTER

- ☐ Supporters club a lo chak leh zual nan Committee an tilian.
- ☐ Pu K.Rochungnunga Vanapa Section in khuangpui ahna (STRAP) tha tak mai min thuisak avangin lawmthu an sawi.
- ☐ CWFC Scarves pawh KH Couture kawipui Near ATM Booth ah lei tur a awm leh tawh e.
- ☐ Inkhel en na ah buaina siam a, veng timualpho zawnga che an awm chuan an hming leh an awmna section chiang takin YMA AW ah an tarlang zel tawh dawn.

✠ Kan Then Tak ✠**LALZUALI**

Pa hming-Sanghleia (L), nu hming-Lalropui (L), Pian kum-1940, pianpui mipa 1 leh hmeichhia 4 a nei. Pathian tih



chhungkua atanga seilian a ni a, a tleirawl atangin Pathian thuah a tui hle. Pathian mi hriat, tawng hriat loh leh taksa chetna nei mi a ni a. A boral ni thleng hian Bible chhiar leh tawngtai ngaina tak a ni. Kum 1966-ah Pu Sapliana nen innein fanu 2 an nei. Kum 1986-ah a kal zai a ni a, hemi kum atang hian hna pawh thawk hlei thei lovin, taksa chak lohna leh bawrsawmnain a tlak buak deuh reng. Kum 2012 laihawl vel atang khan a bawrsawm zual hle. Ni 15.10.2013 zan khan a thawkna lamah harsatna a neih avangin Damdawiin ah dah luh a ni a, Ni 20.10.2013 (Pathianni) flai dar 5:00 khan chatuan ram a lo pan ta a ni.

BUAI HI CHANGKANNA EM NI???

Changkang kan tih zawng hi eng nge ni? tiin inzawt ila, chhanna a inang lo thei viau ang. Mahse, changkanglo kan tih erawh chu a inang tlang thei viau awm e. Tunlai kan veng thalaite titi tui ber pakhat, MPL sawi rual rualin "Chumi khamite chu an intibuai/an insual" tih thawm lo ri ve ziah hi changkanna chu nise, mi vengte hian min awt tawh ngawt ang. Tan lam inan loh vanga thu inhmuh loh vang chuan intihbuai theih a ni teh meuh mai. Mahse tan thuhmun, harhfirm loh leh hriatna tlem lutuk vanga buaina chawhchhuah fo hi changkanna a ni thei mawlh lo.

Nitin Chanchinbu lamin kan veng mipuite fakna a tihchhuah mek laiin, a phenah buaina changkang lo tak a lo inphum reng mai hi, hruaitute leh veng hmangaih tak tak tute lu tihaitu a ni leh ta. Buaina chawhchhuah hi huaisen lantirna emaw kan la ti tlat hi kan mawh vanga nih chiah loh pawn kan fin loh vanga tal chu a ni ang. Hmasawn tur hian thil thar tha zawk kan ching chhuak thei lo a nih pawn, ze tha lo tal pah ila, kan ziaawm ang. Kan hma lamah kan hmel lanna tur thil tamtak a la awm dawn, a hun leh a hmun hriat a tha fo. Intihhlina hmunah harhfirm lova kan kal a nih pawn buaina siam zawng hi chuan i mawh tawh lo hram ang u.

PHYSIOTHERAPY DISCOUNT

Saitika, Kawng na, Nghawng na, Tha na, Tha tawm, Dar na, Khup na, Tihrawl na, Pangkhing zeng, Sports injury, Hmai sawi, Nerve tha lo leh a kaihhnawih natnate chu khawl hmangin October thla chhung hian 25% discount-in kan enkawl thei e.

In entir hun :

Thawhtan atanga inrini

Zing : 6:30am - 9:00am

Tlai : 1:30pm - 5:30pm

Aizawl Physiotherapy Clinic
Chanmari kawn,

Chanmari Presbyterian Biak In bul
Ph. : 2347456 / 985690775 (2-2)

KIDS DEN PRE SCHOOL & DAY CARE, CHALTLANG**ADMISSION NOTICE**

Kids Den Pre-School,
Chaltrangah November ni 1,
2013 atangin Session thar
tur Admission Form
semchhuah tan a ni ang.
Fee Structure leh hriattur
dang pawimawh chu
School Notice Board-ah
tarlan a ni e.

Sd/-
Principal

BLESSED PHYSIOTHERAPY CLINIC

Tha na, Nerve tha lo,
Ruhchuktuah na, Kawng na,
Sciatica, Pangkhing zeng,
Hmai sawi, Nghawng na
avanga lu naetc kan
enkawl thei e

October thla chhungin 50%
discount a ni ang.

Monday-Saturday: 9:00 - 5:00
pm chhungin National Insti-
tute atanga zir chhuak te'n
uluk takin an lo enkawl ang
che

Contact No - 08974732041
Chanmari, Ramhlun Road
Aizawl, Mizoram (2-2)

Chanmari West mi tawh phawt chu tel theih a ni.

Special Performances by
Aibly, Apples, Rock Flabs, Blue Wave Band

BEAT CONTEST

A Hun : Dt.22/11/2013 Dar 7:00Pm

A Hmun : YMA PARK

1st Prize - ₹. 10,000/-

2nd Prize - ₹. 5000/-

3rd Prize - ₹. 3000/-

Individual Prizes ₹.500/- each

**JUDGES**

1. Ephraim Malsawma (Bad Combnation)
2. John Tetea (Drop Doubt)
3. Joe Ralte (Axis)

Sound : Delta

Entry Form Lakna: Elar Enterprise (Mapaia) Kawipui CH Sect.

ORGANISED BY CHAWNGBAWLA SECTION CWBYMA

HRIATTIRNA

Huan - Lo - Ram mumal taka
enkawl tur neite tan thlai
inchintir tur tha tak, thar
chhuah hralhna lama chiang
sa leh a lei let (buy-back)
theitu Mizoramah an awm
tawh e. Kum thar 2014 atana
thlai huan nei tura
hmalakpui duhte tan tunah
IMCS Ltd. "Farmer's Imple-
menting Services" (Office:
Dr R Kapthuama Bldg.
8014551179, Khatla, New
Capital peng, Aizawl) ah
hian pan emaw biak pawh
theih an ni e. (2-1)

CWSC FOOTBALL

❑ MPL khelk mekah Ni 22.10.2013 (Thawhle) Zan dar 7:30 khan Mizoram Police FC nen an inkhel a, 0-4 in an chak lo, ni 25.10.2013 (Zirtawp) Zan khan Aizawl FC nen inkhel leh in 0-2 in an hneh lo leh a, ni 1.11.2013 (Zirtawp) Zan dar 7:30 ah Dinthar FC nen an intum leh ang.

❑ Veng mipuite tawiamnaah leh chaklo chung pawh a tawp thlenga tan flattute chungah an lawm takzet a ni.

❑ Pu JH. Lalzarmawia (CH-sect) te chhungin a tul tula hman atan ₹ 10,000/- an pe a, an chungah Committee a lawm hle.

❑ An game khelk tawhah veng mipuite leh supporter-te beisei an phak lo chu pawh an ti hle. Chutih rual chuan theih tawp chhuaha tan lak zel an tum a. An khelk tawhah veng mipuite tawiamnaah lawmthu an sawi rualin an khelk leh zel turah pawh tawiamn flat turin veng mipuite an ngen.

CHANMARI WEST MPF

❑ Ni 24.10.2013 (Ninga) zan khan Presbyterian Kohhran Hall No-5 ah Political Party hrang hrang OB te leh veng chhunga NGO hrang hrang (YMA, MUP, MHIP) hruaitute nen MLA inthlan lo awm tur chungchangah inkawmhona programme tha tak an nei. Hetah hian Party hrang hrangte leh Kohhran, NGO ten thawhhona thuthlung ni 22.8.2012-a MPF an lo signpui tawh, Points - 6 puan chhuahna leh Election Model Code of Conduct Rules, 2013 inhrilh hriatna hunte an hmang. Mi 36 an kal. MPF Committee chuan a kohkhawm Political Party hrang hrang hruaitute leh party mi zawng zawngte chu an Party President theuhte'n an sign hnan ang ngeia thawhhona thuthlung zaha, a taka zawm ngei turin a chah.

❑ MLA inthlan lo awm tura inbuatsaihna leh hemi ni senso atana phal taka tanpuina petu heng a

hnuaiia tarlante chungah hian lawmthu an sawi :

1. Presbyterian Kohhran - ₹ 4000
2. Branch YMA - ₹ 1000
3. Branch MHIP - ₹ 1000
4. Unit MUP - ₹ 1000

❑ Ni 25.10.2013 (Zirtawp) zinga Aizawl North-III Constituency Committee thukhawm chuan - MLA Election lo awm turah candidate-te tan Joint Platform buatsaih sak a tum a, kan vengah chuan YMA Park-ah tun atanga rei loteah hian Constituency Forum kaihhrainain buatsaih tum a ni.

CWSC VOLLEYBALL

❑ Ni 21.10.2013 (Thawhtan) zan khan Pu C. Lalthanzuala In ah meeting-neih a ni a, hmalak dan tur an rel.

❑ Ni. 6.11.2013 atanga tan tur, Inter Village Volleyball Tournament ah mipa leh hmeichhe team chhuah tum a ni a, hmeichhe team lo enkawl turin Pu Lalthlanmuana ruat a ni a, mipa team lo enkawl turin Pu C. Lalthanzuala ruat a ni bawk.